

Fwenndei Singsang Bouxcuengh Dasingh

□ Daenggingh Godoq comz hoiz

Youq gwnz raemx doiq fwen.

Fwenndei singsang Bouxcuengh Dasingh youh heuhguh "sinae (fwenndei) singsang Bouxcuengh Dasingh". "Sinae" dwg Vahcuengh dangdieg yienghneix heuh(eiqsei dwg fwen sing ceiq sang, ceiq gok, ceiq ndei). "Sinae" dwg cungj fwen Bouxcuengh ndeu, vunzbiengz ciuq gij sing sang youh heuhguh "sinae singsang".

"Sinae" youq Ciuzdangzcauz heij miz, daengz seizneix gaenq miz cien lai bi nanz lo. Youq duenh cien lai bi nanz ndawde, miz haujai ciuz de cungj hwnghoengh, cienz daengz seizneix, dwg cungj fwenbiengz vunz Dasingh cien lai bi daeuj daih dam daih ciengq mbouj daengx haenx.

Dasingh gij fwenndei singsang Bouxcuengh ne saimbwk doiq ciengq lai, daegbied dwg cungj fwen daeuz ndeu ndaej hawj gij bouxcuengh saimbwk aeu daeuj guhyoux. Ciengzbaez banh saeh' angq rox-naeuz gvaq cieng gvaq ciet, daegbieg dwg moix bi liggaueq sam nyied ngeihloek dwg ngoenz ciethawfwen

ndawbiengz (dangdieg gvaq ndaej ceiq hoengh), vunzlai dangdieg maij eu fwen lwnh vunzlai sim' angq simmaez. Youq seiz gvaq ciet-hawfwen, gyoengq vunmbanj dox-gyawj doxgyae daenj ndangdaenj ndei le comz daengz Sanhlengz Cunh ganj hawfwen, mbwkmbwk saesai gegdeq cozcoc eu fwen gyau baengz-youx, coux baengzyoux, seiz vunz ceiq lai haenx miz gyawj fanh vunz caemh doiq fwen, ciengzmienh hungmbwk dangqmaz.

"Sinae" dwg fwen lwnh saeh. Cungj fwen neix lai seibienh, neix ndaej heuhguh yienghcoenz lai; gij fwen coenz noix haenx miz seiq, haj coenz, gij fwen coenz lai haenx lai baenz song bak coenz doxhwnj; gingciengz dwg gek coenz dawzyinh (yinhmeh doxlumj roxnaeuz dox-gyawj), mizseiz coenz gwnz cih doeksat caeuq coenz laj cih gyauej dawzyinh, gungh miz ngeihcib aen yinhmeh doxap. Gyoengq canghfwen eu fwen seizhaenx langh yienj "doxdax eu fwn", gingciengz miz

song sai sam mbwk doxdax, roek sai bet mbwk doxdax, cib sai cib mbwk doxdax lai cungj gyoebcomz; youq ndawde cab gangj gih saeh sibgvenq vunzbiengz gangjyoux guhyoux, aeu bawx haq lwg daengj.

Fwenndei singsang Bouxcuengh Dasingh dwg cungj fwen Bouxcuengh maenhndei dangqmaz ndeu, youq doenghgij fwenbiengz Guengjsae ndawde linghgag dangqmaz. Aendoih fwenbiengz Dasingh gaenq camgya lai cungj biujyienj caeuq doxdax, lai baez ndaej ciengjim, ciengjgaenz. Lumj bi 2011 bae Ningzya camgya Daihgouj Gaiq Cungguk Ranghbaisae Fwenbiengz (Dujva) Hoihfwen doxdax, canghfwen Bouxcuengh Cau Yenzsw, Hij Siucinh eu fwenbiengz singsang le aeu ndaej gaiq ciengjim (fwenbiengz).

Bi 2010, fwenndei Bouxcuengh Dasingh ginggvaq Gvangjsih Bouxcuengh Swcigih doengzeiq, ndaej lied hauej daihsam buek swcigih gaep feihvuzciz vwnzva yizcanj mingzloeg.



▲ Aendoih canghfwen hwnj daiz doxdax.



▲ Canghfwen Dasingh cingq eu fwenndei.



▲ Aendoih canghfwen ging-ciengz bae dieg wng yienjok.



▲ Song cejnuengx ndaej hwnj cezmuiz naj riu mbouj daengx.



▲ Song canghfwen neix youq gwnz daiz angq eu fwen.



▲ Eu fwen simmaez lai.



▲ Sam baux caez ciengq.

